

A2^r

Dem Durchleüchtigen
 Hochgebornen Fürften vnnd Herrn
 Herrn Ottheynrichen Pfaltzgrauen bey Rhein/
 Hertzogen in Nider vnd Ober Bayern 7c.
 feinem gnädigen Fürften vnd
 Herrn.

DVrchleüchtiger Hochgeborner
 Fürft/ Gnediger Herr/ Es haben vnferre
 Altfordern ohn zweiffel auß hochwüchti-
 gen vrfachen vnnd wolbedachtem Sinn/ die
 Adminiftration vnd bltendige verwaltung einer jeden
 wolgeordneten Pollicey/ in drey fürnehmer hauptftuck
 (welche von jhnen Sacerdotium, Militia, vnnd Agricultura
 feind genennet worden) verfaftet/ ab vnd eingetheylet.
 Das nemlich zûm erften die recht Chriftliche vnd Gott-
 wolgefellige Religion/ fampt allem dem fo zû rechtem
 vñ in h. Schrift warhafftig gegründtem Gottesdienft
 gehört/ mit höchstem fleiß angerichtet/ vnnd in allweg
 bey den vnderthonen befürderet werde. Demnach aber
 vnnd zûm andern/ das durch ordenlichen kriegszwang
 vñ gegenwehr/ oder durch das ſchwert fo Gott der Herr
 der Oberkeit felbers in die hand gegeben hat/ die böfen
 ernftlich geftrafft/ die frommen aber vnnd vnſchuldigen
 wider allen vnrechten frâuel vnd gewalt gefchützet/ er-
 halten vnd befridet werden. Zûm dritten vnnd letften/
 Das auch der von Gott eingefetzt vnnd hochnotwendig

A2^v

Vorred.

Veldtbaw vnd Ackergang/ durch welchen dann alleyn alle lebendigen Creaturen Gottes/ Insonderheit aber der menſch muß ernehrt vnd vnderhalten werden/ nicht allein vor allen andern handtierungen vnd gewerben/ hoch/ thewr vnd werdt gehalten/ fonder auch auff das aller fleiffigt angerichtet vnd geübet werde.

Vnd wiewol folliche der Alten güt Chriftenliche ordnung/ Regiment vnd wolmeynung/ zů difen vnfern letzten vnd gefährlichen zeytten/ fo gar veraltet/ das die bey nahe verloſchen/ ja gantz widerſinnlich/ vnd zů allem argen (Gott erbarm es) gerahten ift. So ift doch Gnediger Fürft vnd Herr güt kundtlich/ offenbar vnd beweiflich/ das alle vnd jede fromme vnd Gottsförchtige Fürften vnd Potentaten/ jre Regiment/ Burgerliche fitten vnd Statrecht alle/ nach obangeregten dreyen hauptſtucken yederweilen vnd mit höchſtem fleiß zů vnd angeſchicket haben. Vnder welchen dan nit der geringeſt ift/ difer vnfer Hochlößlich vn Chriftenlich Keyſer/ feliger gedächtnuß/ Conſtantinus/ der vierdte difes namens. Welcher anfangs feiner regierüg/ nach der geburt Chriſti in dem 670. jare/ vor vnd ob allen dingen/ die recht erkante Religion/ vn wahren Gottesdienſt zůbefördern/ Streng/ ernſtlich vnd befliffen gewefen. Dan er zůuordrift alle die jhenigen/ fo von feinem vatter Conſtantio/ vn Heraclio feinem großuatter/ von wegen der bekantnuß des heyligen/ Allgemeinen/ Chriſtlichen glaubens/ Tyrannifcher weiß vertriben/ vnd in das ellend verwiſen warn/ widerumb eingefordert/ vnd in vorigen ſtand vnd würde/ gleich bald beſtettiget vnnd eingefetzet hat.

Nach

A3^r

Vorred.

Nachmals auch alle die Kirchen/ so von gemeltem feindem vatter vnd großuatter zerftöret/ widerumb erbawen vnd auffgericht. Vnd endlich in dem jare von der geburt Chrifti 681. zu befürderung göttlicher ehren/ vnd Chriftenlichs nammens/ die erfchröcklich ketzerey der Monotheliten zuuerdammen/ ein frey/ allgemeynes Concilium/ so das Sechfte gewelen/ zu Conftantinopel/ mit 150. oder als etliche wöllen 289. Bifchouen verfamlet/ welche dann auch nit allein also frey vnnd ficher begleitet/ vnd zu gnedigem wolgefallen entpfangen vnd aufgenommen worden feind/ fonder von jm felbers (wie die hiftorien bezeügen) perfonlichen ermant vnd angeprochen worden/ das fie in fridlichem vnnd eynhelligem gefpräch (hindan gefetzt allen menfchlichen wohn vnnd gütdünckel) von nichten anders/ dann von dem wahren allgemeinen vn vngewiffelten Chriftlichen glauben/ fürnemen/ reden/ handeln vnd fchlieffen solten.

Souil vn aber Militiam/ als den andern theyl glückfeliger regierung belanget/ hat fonder zweiffel/ difer lobwürdige Conftantinus/ frid vnnd eynigkeyt im gantzen Römifchen Reich zu erhalten/ fich gegen die Abgöttifchen vnd vnglaubigen/ yeder zeyt gantz Rittermäßig/ mannlich vnd vnuerzagt bewifen. Dann in dem zehenden jare feines Keyferthumbs/ nach dem er der kirchen zu ruw vnd eynigkeit verholffen/ hat er mit göttlichen beiftand/ in einer freyen offenen feldfchlacht/ der Saracener vnd Araber/ biß in die dreiffig taufent/ gantz fieghafft vnd Ritterlich/ mit herrlichem vnd höchstem Triumph erleget. Auch zu guttem der allgemeinen Chri-

A3^v

Vorred.

ftenheytt/ ein dreißig jährigen friden vnd anftandt bey solchen erhalten/ vnnnd vber das die selbigen mit jährlichem tribut/ biß in die 3000. gold gulden/ vnd gleich so vil auß erlefenem kriegsuolck/ zû roß vnnnd fûß/ mit sampt mehr anderer dienftbarkeytt/ dem Römischen Reich vnderwürfflich vnd zinßbar gemacht.

Den Ackergang vnd Veldtbaw zû volnführen vnd anzûschicken/ ist er gantz arbeitsam/ sorgfältig vnd beflissen/ Insonderheytt aber zûm höchsten beluften gewesen/ den selbigen nit allein in diese hienachfolgende zwanzig bücher/ auß mancherhand hochgeleerter vnnnd berühmter/ der Griechischen vñ Lateinischen Sprach Scribenten/ schriftlichen zûverfassen/ fonder auch die arbeit solliches Veld vnd Ackerbawens/ als einen gottseligen handel vnd geschaffte/ eygener person vnnnd mit der that selbers anzûgreiffen/ sich mit nichten beschâmet. Wie solches mehr andere fürtreffliche König vnnnd Fürsten auch gethon/ die sollichen hochnutzlichen Veldtbaw/ als lobwürdig/ mit jrer hând arbeit selbers befertiget vnd gezieret/ vnd also hiemit des lieben Constantini gotseligem exempel/ nit vnweißlich gefolget vnnnd nachgesetzt haben. Wie daß solchs auß h. göttlichen schriftten/ deßgleichen auß Plinio/ Varrone/ Columella/ Cicero ne vnd andern Heydnischen scribenten durch vil exempel (wa es nit zû lang) künde beygebracht vnd beståtiget werden.

Weil vñ aber zû diesen bösen vnd gefährlichen zeitten/ reichthumb vnd gunst der welt/ mehr daß alle erbarkeytt/ Deß gleichen der müßiggang/ wollust/ vnnnd alle üppigkeit/

A4^r

Vorred.

keyt/ bey manchen des Adels hochberûmpten/ allzûuill
 vberhand genommen hat/ so hat sich ja billich niemand
 zûuerwundern/ wie difer so mûhfame Veldtbaw vnnd
 Ackergang/ von folchen vnfern hochgeadleten/ vñ Rit-
 termeffigen voreltern/ auff die aller geringesten/ vnd vor
 der welt onachtbarn menfchen/ kommen vnnd erwach-
 fen fey.

Nichts desto weniger aber da der Bûchtrucker fol-
 lichts so heylfame werck/ difer gottfeligen freyen kunft
 des Veldtbaws vnd Ackergangs (welche der h. Augufti
 nus omnium artium innocentiffimam, das ift/ die aller vn-
 fchuldigft/ auffrichtigft vnd redlichft kunft nennet) an-
 derwerts zûtrucken fûrgenomen/ vnd mich folches bûch
 zûwiderholen/ vnd vberfehen erforderet vnnd gebetten.
 Hab ich zû befûrderung vnnd wol verdienten ehren
 deffelbigen nit vmbgahn/ noch vnderlaffen kônnen vnd
 mûgen/ fouil/ als zû mûffigen ftunden/ ich zeyt vnd weil
 gehabt/ folches hochlôbliche werck vnnd gefchefft/ nach-
 mals gegen feinem warhafften vnnd griechifchen origi-
 mal widerumb zûuergleichen/ Ja mit hôchftem fleiß vñ
 vnd ernft zûbefichtigen. Darmit so was hievor im truck
 gefehlet/ vberfehen vñ außgelaffen/ daffelbig als glaub
 wûrdig corrigiert/ ergântzet vnd verbefert wûrde.

So aber jemand folchen meinen fleiß/ mûhe vnd ar-
 beit fchmehen vnnd tadlen wolt (wie fonder zweiffel die
 klûgling vnd naßweifen jeder zeyt gefinnet) als der ich
 heyliger göttlicher fchrifft/ vnd des kirchen dienfts allein
 zûwarten

A4^v

Vorred.

zûwarten/ beruffen ley/ hiemit gefräuelt/ vnnd meynem
beruff zûwider gehandelt hette/ der hat sich leichtlich vñ
wol zûerinnern (Dieweil der herr Chriftus die aller für-
trefflichften vñ höchstē feines reichs geheimnuffen durch
viel vnnd mancher hand gleichnuß des Veldtbawens
vns fürgetragen vnd vertendiget hat/ Als da er feinen
vatter einen wein Gartner/ sich selbft einen Råbftock/
vns aber die schoß vnd zweig deffelbigen nennet. Deß-
gleichen auch die lehr vñ predig feines heylfamē worts/
dem famen/ der in das erdtrich geworffen würt/ So dañ
sein bitter leiden/ fterben/ vnnd fröliche Aufferftehung/
dem verftorbnen weytzen körnlin vergleicht. Weyl
auch der heylige Apoftel Paulus felbers/ vns vnnd alle
Gottesglaubigen/ des herren Ackerbaw nennet) Wie fo
gar ſchwerlich vnd on alle frucht ein prediger vñ lehrer/
welcher des Ackerbawes weiters nicht dann wie ein
Blind der farben verftändiget/ feine befohlne ſchåfflin
vnd zûhörer/ auß follichen des herren Chrifti/ vnd des h.
Apoftels Pauli fürgelegten Paraboln vñ gleichnuffen
möße beffern/ vnderweifen/ vnd lehren.

Das aber follichs Bûch/ vnder E. F. G. namen/ ich
hab zû trucken verfertigt/ Jft neben andern/ nit der ge-
ringften vrfachen eine. Weyl follich vil löbliches werck/
von einem fo mächtigen vnd Chriftlichen Keyfer/ fei-
nen vrfprung genommen/ das auch daffelbige E. F. G.
als einem frommen Gottfeligen vnd Fürftlichen Mañ/
(der bei allen ehrliebenden perfonen hohes vnnd nidere
ftands/ als ein Chriftlicher Fürft vnd Herr/ der Chri-
fto vertrauet/ vnnd jhn vor aller welt beftendigklich be-
kennet

B1^r

Vorred.

kennet/ jeder zeyt erfunden vnnd gehalten würt) zůge-
schriben vnd dedicieret wurde.

So dann nach alter hochlößlicher vnd Fürftlicher ge-
wonheit/ der Ackergang/ Veldtbaw vnd Gartenwerck
infonders bey E. F. G. lieb/ werdt vnd hoch gehalten/
als auch die selb E. F. G. einen schönen fruchtbaren vñ
wolgezierten luftgarten hat (wie ich des glaubwürdig
berichtet bin) mit vil vnd mancherhand edlen vnd wol-
riechenden blümlin vnd gewächßen gepflantzet. Verhof-
fe ich wenigens nicht/ dann E. F. G. werden folche mei-
ne geringe vnderthånige dienft/ mühe/ vnnd arbeyt/ zů
gnädigem wolgefallen halten vnd erkeñen. Derhalben
auch/ damit zům höchften belüftiget/ so dieselb E. F. G.
sehen/ vnd gnädiglich ermessen werden/ auff was weis
vnd weg/ ja mit was fleiß/ ordnung/ vñ befonderm ernft
difer großmächtige Keyfer Conftantinus/ folches alles
ihm zů hochlößlichen ehren/ den nachkommenden aber
zů groffem mercklichem nutz vnd wolfart zůfammen ge-
tragen vnd beschriben hat.

E. F. G. mich hiemit/ als derfelbigen vnderthånigen
zů gnaden befehlend/ vñ hiemit gantz demütig bittend/
folliches Bůch/ von dem hochnutzlichen vnnd lobfamen
Ackerbaw geschriben/ wie das von mir jetzmalß fouil vñ
möglich/ folchem werck zů höchften ehren/ vnd nutzliche
frommen allermenigklich/ als von newem vnnd ander-
werts außgangen vnd gebetteret/ von mir gnädiglich
zů empfahen vnnd anzůnemen/ sich vnderweylen auch
darinn zůbelesen/ vnd gnädiglich zůerwegen/ wie vñ
welcher maffen vnßere Altfordern/ beyde hoch vnnd ni-

B1^v

Vorred.

ders stands/ in follichem so löblichem vnnd gottfeligem
handel vñ gefchefften/ lich jeder zeyt mit höchstem ernft/
fürforg vnd arbeyt bemühet/ angenoñen vnnd befliffen
haben/ auch dife meine dienft vnnd gefchefft/ vor der klü-
gen vnd weltweifen fchmach vnd affterred mit Gnaden
züuerthädigen vñ abzúlehen. Auch fonft aller maffen
E. F. G. mich als derfelbigen vnderthånigen gehorfa-
men diener/ aller vnd jeder zeyt/ genädiglichen befolhen
zühaben. Datum Straßburg Mitwochen nach Luce/
den xxj. tag des Weinmonats. Im jare nach der geburt
Jefu Chrifti/ vnfers Eynigen Mittlers vnd Heilands/
Taufent/ Fünffhundert/ Fünfftzig vnd eyns gezalet. 7c.

E. F. G.

Vnderthåniger
Williger

M. Ludwig Ra-
bus von Mem-
mingen.